

文

3-5

節婦墓元謝千九娘瘞所也有碑表曰節婦諱氏

方山在縣東二里高八丈餘丈形如覆斗一名石臺與古

邑治對

雙秀峯在縣東二十五里豐江村

小回嶺在縣東三十里

九龍山在縣西二十五里有尖峯凡九

琴龍山在縣西三十里地名琴江下有龍潭旱禱輒應

蜈蚣峽在縣西四十里前有米洲宋建炎間丞相李綱過

此有詩推官韓統述其意作歌見藝文

茶嶂在縣西四十里地方茶坑

焦龍山在縣西八十里兩峯對峙中瀉急湍有龍潭深不可測

舉嶺在縣西八十里與書山並峙

盧王崗在縣西百二十里山水雄壯俗以唐末盧光稠得名

筆架峯在縣西百五十里三峯並立中稍高如筆架然
齊雲峯在縣西百五十里勢干雲霄南瀕江有青石高踰二丈

五馬山在縣南門對岸排列如隊立水中

南山在縣南二里高聳插霄先是有讖云山生角心主鱗

舉子成永樂中知縣莫謙令邑人建塔其上又覽石街
薰實其識云

騰龍嶺在縣北學宮後舊名歸坑以宋江西制置使李
綱常過此建李相亭其上明知府張弼更今名

猶石障在縣北三十里望之如獸蹲踞又名大猷山縣得
名以此後有月巖竅圓如月徑數十尺表裏不隔中有
池深不可測旱輒禱焉名龍池舊志云相傳有三女仙
穴居山石中其泉水甘潔至今稱最

小梅嶺在縣北三十里相傳漢梅福煉丹於此今丹竈祠
址尚存上有天池乃其藥臼所陷以成者積水四時不

竭

大雷嶺在縣北百四十里大雷村

孤獨峯在縣北五十里

較車均在縣北九十里徑路迂曲

西雲山在縣東南十五里舊有普照寺傍有龍井明天啟
間知縣龍文光旱禱至井得小蛇內之甕中載以入城
未至而雨隨注乃以銀鈴係

其井口靈應龍潭
納之井後邑人常見

蛇項鈴如故禱之輒應

區名其井口靈應龍潭

鼓樓均在縣東南二十三里奇秀而高

白塔嶺在縣東北十五里舊有石浮屠

南安府志卷之四

城池

街衢附

春秋土功必書說者以爲重用民力亦或以見地險之不可一日弛而重門擊柝正申畫慎固者所尤要乎南安當全省上游鄉村亦多有城設險幾與邊徼等則浚築所及豈獨保障一郡一邑云爾哉若乃軌涂之制載在周官鄉里之旌沿爲棹楔創立殆將與臺隍並永爰志城池而街衢與坊表類附焉

南安府城創始於宋淳化二年周圍頗寬廣而墉與堞勢皆卑且薄淳熙九年知軍管銳增高厚焉紹定中知軍

尚振英陳疇相繼修築址仍舊高厚益增咸淳四年知
軍趙孟邁重修址亦仍舊計延袤一十里一百五步其
南門卽今驛使門其西南隅卽今城隍廟背郡人猶稱
土城背蓋是時章江自西而南折若規圓然城因之元
時大水城中斷分爲二元至正十二年同知薛理始築
今城次年甃以石又次年乃作四門樓櫓南瀕章江東
北帶溪惟西稍高爲隍城狹而長微銳類魚故名魚城
後圯明正統十四年流寇亂巡撫侍郎楊甯奏准修築
景泰元年知府金潤繼修之五年春雨復圯御書
雍撤千戶夏忠補葺其後東北漸開成化

大龍山在縣東半里許高八十餘丈

伏虎山在縣西一里許如虎飲河

龜山在縣西三十里形如龜產茶及水竹

大嶂山在縣西五十里環橫瞭闊如簾幙然延袤數百里
前臨絕岸跨以石棧廣盈丈隆數十丈

五指山在縣西七十里

觀音山在縣西十里壁立峭絕宋紹興間有鍾行者登山
回顧戰慄莫能行因謁觀音經若有白衣掖人掖之者故
名

崇山在縣北半里許縣後山也舊名旗山南安志勝云後

以縣名易崇山

蓮花山在縣北二百餘里高與南康之羊嶺並狀若蓮花
上有巖可容百餘人前有橋曰仙橋下有飛瀑百餘丈
累如貫珠瀉於石竇不知所注南唐時鄉人聚此爲堡
名蓮花寨

龍山在縣東南五十里高峙橫亘接大庾上有鉢孟庵
紅桃嶺在縣東南六十里

符水山在縣西南三十里

竹垌產符竹小而輕

天臺山在縣西南四十里

傀儡山在縣西南七十里

築石隄捍之宏治十三年知府呂律補築萬厯十六年
復壞知府杜伸甃補城周圍計四里一百三十步計丈
八百五十高丈有三尺濶一丈濠深五尺廣一丈景泰
間復增築高二十尺厚一十六尺女牆高五尺堞一千
五百巡鋪三十有四周圍丈尺濠如故城凡四門門各
有樓東南北有橋南門外有濯纓亭門有樓名江山佳
麗樓知府金潤建並自爲記南隅上爲閣今在東門上成化
十六年知府張弼名曰金鰲因龍母祠右舊有金鰲樓
樓廢而移以名之也城門東曰就日南宣化西寶峰北
朝天宏治中知府鄧應仁易東曰敬道取史記引堯典

敬道日出又近泮宮也南曰率章取漢書引詩率由舊
章又門臨章江也北曰聯玉取舜典四朝五玉又門外
有朝天橋而山脈聯玉枕也惟西近寶珠山又告成之
義於寶豐不改云

國朝初經兵寇頗坍塌雍正間知府張淮知縣張琢捐修完
固如初十二年知縣沈懋學領項承修乾隆十八十九
兩年水衝塌學背等處二十五年知縣周文權署縣郭
孫錦節次倡修二十九年南門下城身又圯知縣任震
遠修復之咸豐八年被兵復圯同治間知府黃鳴珂重

修

詳新造錄

水南城在章江南與郡城夾江而峙明嘉靖四十年流寇
踰嶺行掠知府吳炳庶知縣文體義申請別建一城都
御史吳百朋疏給官銀三百兩及民歛貲成之東南西
爲垣計四百二十四丈三尺高一丈五尺厚七尺爲三
門有樓東西有墩有望江樓北瀕江爲水城高厚半之
橫亘三百五十七丈六尺五寸北亦有門有樓萬厯二
年城漸圯都御史劉思問酌議官修三十年圯甚知府
王明時杜紳曾光魯屢申修補得允官給銀七百八十
兩修補垣堞重作水城築基岸檄署縣事同知徐元暘
督理名門東曰東山西曰泰山南曰梅山北曰金鰲後

易東曰岱門西曰恒門北曰鼇門云南門外卽達梅嶺
路街有折梅亭成化間知府張弼建城自

國朝來漸次傾圯康熙四十八年攝郡事同知遲維璽重修
乾隆八年知縣余光璧領項承修乾隆二十五年知縣
周文權署縣郭孫錦倡修二十九年鼇門西畔城身復
圯知縣任震遠與老城并修復

新田城在大庾縣北四十里嘉靖四十四年建周圍一百
一十七丈東西二門內有官舖

鳳凰城在新田城五里近鳳凰山故名嘉靖四十四年鄉

民建

楊梅城在鳳凰城西十里嘉靖四十四年鄉民建

小溪城在楊梅城北十里小溪驛在焉嘉靖三十五年鄉
民建

九所城在小溪東五里原有屯軍耕種其中嘉靖四十四
年屯軍築今廢

峯山城在小溪北十五里峯山里民素善弩明正德十一
年都御史王守仁選爲弩手從征徭寇事宣民恐報復
惻惻築城

南康縣城在今城西舊惟土垣宋紹定知縣戴翼始甃甃
石周八百二十有八丈明宏治九年知縣周怡重築廣

袤五千八百四十有七丈高一丈有八尺正德六年有
輦寇知府李敷增築者再嘉靖萬厯間圯而修燬而重
新者五城周圍四里有奇廣袤與高並仍前厚一丈有
三尺門東迎恩西通粵南江北鎮北門各有樓東西
北各有池深四尺濶一丈二尺其東南隅臨江嘉靖九
年知縣鄭衷復開一門曰便民卽小南門郡人劉寅記
東門外有饑餉碑邑人王事聖記

國朝各門譙樓俱燬順治十四年知縣鄭思魯重建康熙三
年知縣陳暉重修後西門譙樓燬四十三年知縣申毓
來捐建便民門明季因寇暫閉雍正元年署縣事陳松

年復開行者便之

上猶縣無城民遇警奔竄宋紹定五年邑令胡泓始築城
建四門德祐間元兵至邑令與民死守元人惡之遂隳
廢其城明洪武四年鄰寇劉得遇等薄邑治宜春侯黃
彬平之因擴宏舊基築城歲久圯惟北門樓存成化初
知縣董瑄鄭璽相繼修之未就宏治二年知縣章爵竣
功加以甃甃提學黃仲昭記正德四年傳輦寇欲攻城
知府季敦行推官張震督修增高五尺知縣姚義復於
東門外增月城串樓十有六嘉靖十七年水衝西城知
縣谷同補築二十一年城鋪傾敝馬路濠池阻塞知縣

胡鑄清出每三十丈立一大石鑄字記之城賴完固城
內亦無潦水三十一年月城圯知縣胡鑄更築復修四
門樓城計四百三十七丈高一丈七尺濶一丈一尺東
西北有池各深八尺南瀕江其門東迎恩西西成南南
明北朝天

朝康熙三十四年西城圯知縣章振萼重修并建譙樓額
以爽氣西來乾隆二十九年水壞西北城身知縣左梅
倡捐修竣

崇義縣城本上猶橫水地近崇義鄉明正德十一年都御
史王守仁征平橫水左溪桶岡等巢崗奏割猶之崇義